

Հայոց պատրիարքի միջնորդութեան համաձայն, վարդապետական լանջախաչ կրելու իրաւունք շնորհուեց, 12 յունիսի, թ. 853:

ՄԻՆՕՂԻ ՕՐԱԳՐԵՐԻՑ ՔԱՂՈՒԱԾՆԵՐ

Մինօղը՝ քննութեան առնելով Մեղրի գիւղի Գէորգ քհյ. Տէր Դաւթեանի մեղադրական գործը չհաս պատկներ կատարելու, կաշառակերութեան և այլ յանցանքների մէջ, որոշեց. վաւերական ձանաչել, համաձայն Մկրտիչ Ա. Կաթուղիկոսի 1902 թ. յունուարի 4-ի, № 4 կոնդակի, Գէորգ քհյ. Տէր Դաւթեանի կատարած պատկները, բացառութեամբ Շմաւոն Բագալեանի և Արեգնազան Երեմեանի պատկի, որք համարել անվաւեր, ապա՝ ի նկատի ունենալով յիշեալ քահանայի բազմաթիւ անկանոնութիւններն ու կանոնազանցութիւնները, հաստատել կոնսիստորիայի վճիռը և կարգաւրջ մտնել յիշեալ Գէորգ քհյ. Տէր Դաւթեանին, 36 մայիսի, թ. 231:

Մինօղը՝ քննութեան առնելով Երևանի գաւառի Իմանշալու գիւղի Վաղարշակ քհյ. Տէր-Ղազարեանի մեղադրական գործը խոռոխարար և ըմբոստ ընթացք ունենալու համար, որոշեց. ղազարեցնել յիշեալ քահանային վեց ամիս ժամանակով քահանայագործութիւնից և ուղարկել Կարմիր վանքն ապաշխարելու: Անկախ սորանից բացատրել Երևանի կոնսիստորիային, որ բոլոր գատաստանական հաստատութեանց համար սահմանուած կարգի համաձայն կոնսիստորիան քահանաներին պատասխանատուութեան ենթարկելիս պէտք է իւր վճիռը յայտնէ մեղադրեալին և զժգոճելու դէպքում՝ բողոքը ուղարկել Մինօղիս, և որ այդ հանգամանքն ամենեին չի նուազեցնում կոնսիստորիայի հեղինակութիւնը ստորադրեալ պաշտօնեաների առջ: 6 յունիսի, թ. 296:

Մինօղը՝ քննութեան առնելով Լորուտ, Շամուտ և Աթան գիւղացիների խնդիրը՝ 1912 թ. դեկտեմբ. 20-ի

օրէնքի համաձայն իրենց ձեռքին դանուած հողերը նրանց վաճառելու վերաբերմամբ, որոշեց. ի նկատի ունենալով, որ յիշեալ գիւղացիները ս. Էջմիածնի հողերում ապրում են ոչ որպէս նսողիւսէրեր, այլ իբրև կապալառուներ, հետևապէս հողերի յետգնման (ВЫКУПЪ) օրէնքին չեն ենթարկուած, պատուիրել Մ. Աթոռի կալուածների կառավարչին այսուհետև ևս նրանց հետ սլայման կապել հողերից օգտուելու համար, նախապէս այդ մասին ստանալով Սինօզի հաւանութիւնը: 6 յունիսի, թ. 250:

Սինօզը՝ համաձայն անցած մայիսի 2-ի անուանական Բարձրագոյն Հրամանի որոշեց. նախ՝ ճանաչել Տ. Կարապետ եպիսկոպոսին Շամախու Հայոց թեմի առաջնորդ, սահմանելով նրան, ըստ նախահաշուի, տարեկան 2400 ռ. ոռճիկ և ճանապարհածախս սահմանուած չափով, պատուիրել գնալ պաշտօնատեղին՝ Շամախի, և երկրորդ, արձակուած համարել Տ. Անանիա արքեպիսկոպոսին Շամախու թեմի առաջնորդական պաշտօնից, պատուիրելով նրան վերադառնալ ս. Էջմիածին: 6 յունիսի, թ. 261:

Սինօզը՝ քնութեան առնելով Խանքենդ աւանի Պետրոս քհնյ. Տէր-Յովհաննիսեանի փոխարէն նոր քահանայ ձեռնադրելու գործը, որոշեց. ի նկատի ունենալով, որ ընծայացու Սատուածատուր Աղամեանը սարկաւազ է ձեռնադրուած Մուշկապատ գիւղի վրայ, թողնել նորա խնդիրը՝ Խանքենդում քհնյ. ձեռնադրուելու վերաբերմամբ առանց հետևանքի. Սանքենդի Պետրոս քհնյ. Տէր-Յովհաննիսեանին, որ Ղարաբաղի Կոնսիստորիայի կարգադրութեամբ տեղափոխուած է Շուշի, անմիջապէս վերադարձնել նախկին պաշտօնավայրը—Սանքենդ, իսկ Շուշու վերին թաղի համար պատուիրել Կոնսիստորիային ընտրել տալ նոր քահանայացու: 9 յունիսի, թ. 264:

Սինօզը՝ քննութեան առնելով Բագուի նախկին գործակալ տ. Արտակ վարդապետից մետրիքական քաղուածները համար ստացած Չ.ական ռուբլիներ—ընդամենը

940 ռ. գումարը յետ պահանջելու վերաբերեալ գործը, որոշեց. նախ ի նկատի ունենալով, որ այդ ձևի վարձատրութիւնը քաղուածների համար ստացել են բոլոր գործակալները, և կոնսիստորիան նրանցից ոչ մէկից չի պահանջել ստացած գումարները, անպահանջ թողնել նաև Արտակ վարդապետի ստացածը: Երկրորդ. որովհետև քաղուածների նախկին ձևի տուչութիւնից տուժում են վիճակային ատեանները, պատուիրել գործակալներին այսուհետև քաղուածներ տալ միայն ընթացիկ տարուայ չափաբերականներից: 9 յունիսի, թ. 265:

Մինօզը՝ լսելով Ղարաբաղի կոնսիստորիայի միջնորդութիւնը Ամարասի նախկին վանահայր հանգ. Վահան ծ. վարդապետի թողած 3900 ռ. գումարից 2400 ուրբլով վանքին կից դպրոց շինելու և այլ կարևոր նորոգութիւններ անելու մասին, որոշեց. պատուիրել նոյն կոնսիստորիային ուղարկել Մինօզ յիշեալ 3400 ռ. գումարը և ներկայացնել մանրամասն նախահաշիւ Ամարասում շինուելիք դպրոցի, վերանորոգութեան և այլ ծախքերի համար: 11 յունիսի, թ. 270:

Մինօզը՝ քննութեան առնելով Թէոդոսիայի Արշաւիր քհնյ. Վարդանեանի տեղափոխութեան գործը, որոշեց. ի նկատի ունենալով, որ Մինօզը 1913 թ. սեպտեմբ. 23-ին որոշել է Արշաւիր քահանային հեռացնել Թէոդոսիայից, անհետևանք թողնել նրան Թէոդոսիայում պահելու համար արած բոլոր խնդիրները՝ ինչպէս և քահանայի բողոքը կոնսիստորիայի դէմ՝ նոր քահանայի ընտրութիւն նշանակելու վերաբերմամբ. առաջադրել Բեսսարաբիայի կոնսիստորիային, նախ, ձեռնարկել Թէոդոսիայի նոր քահանայացուի ընտրութեան գործին, առաջարկելով Արշաւիր քահանային տեղ գտնել իրեն համար և, երկրորդ, կարգադրել յիշեալ քահանայի ոռճկի խնդիրը՝ համաձայն համախօսական վճռի: 11 յունիսի, թ. 271:

Մինօզը՝ լսելով և քննութեան առնելով Թէոդոսիայի նոր երեցփոխանի ընտրութեան դէմ եղած բողոքները,

որոշեց. լսելով կոնսիստորիայի բացատրութիւնը, անհետեանք թողնել նոր երեցփոխանի ընտրութեան վերաբերեալ ծխականների որոշումը, քանի որ գործից չի երեւում, թէ ժողովը եղել է երկրորդը և օրինական. անկասոն ճանաչել նորընտիր երեցփոխ պ. Ջելէլեկեանի կատարած գործողութիւնները, հաստատուած չլինելու պատճառով. պատուիրել հին երեցփոխ Քէշիշեանին եկեղեցու վերաբերեալ բոլոր ծախքերը վճարել, որոց թւում և քահանայի ոռճիկը. և պատուիրել կոնսիստորիային ձեռնարկել նոր երեցփոխի ընտրութեան, անմիջապէս քննել տալով Քէշիշեանի հաշիւները: 11 յունիսի, թ. 272:

Սինօդը, ի փոփոխումն իւր 1908 թ. նոյեմբ. 10-ի օրագրական վճռի, որոշեց. ի նկատի ունենալով, որ Հաղարծնի վանքի եկամուտները հասնում են տարեկան 500 ուրջու և բաւական են վանահօր ապրուստի համար, կարճել այսուհետև վանահայր Ստեփան վրդ. Քոլեանի ամսական 30 ո. ոռճիկը, որ նա ստանում էր Տաթևի վանքից, որպէս միաբան նոյն վանքի, իսկ մինչև այժմ չստացած ոռճիկները հատուցանել նրան Տաթևի Հոգ. կառավարութեան միջոցներից: 11 յունիսի, թ. 274:

Սինօդը՝ լսելով Ամարասի վանքի վանահօր յայտարարութիւնը վանքի քայքայուած անտեսութիւնը բարելաւելու մասին և նրա բողոքը Ղարաբաղի թեմի ժամ. կառավարիչից և կոնսիստորիայից դէպի վանքի վիճակն ունեցած անտարբերութեան համար, որոշեց. ի նկատի ունենալով թեմի ժամ. կառավարիչ տ. Զուէն վարդապետի բացատրութիւնը Ամարասի վանահօր բողոքի հանդէպ, այդ խնդիրը փակուած համարել: Սակայն ի նկատի ունենալով, որ Ամարասի կալուածական և անտեսական վիճակն իրօք կարօտ է կարգաւորման, պատուիրել Ղարաբաղի թեմի փաստաբանին գնալ Ամարաս և առտեղեւն ծանօթանալով կալուածները արդի վիճակին, սկսել անհրաժեշտ դատեր կալուածները պաշտպանելու համար: 13 յունիսի, թ. 279:

Սինոդը՝ Աստրախանի կոնսիստորիայի միջնորդութեան համաձայն, թոյլ տուեց նոյն կոնսիստորիային կարգադրել միբաեյ հայ եկեղեցու ծխով Խարկովի վերաբնակիչ հրէուհի էլկա Մերսոնին, հակելով որ պահպանուեն Վ Նա. I մ. 7 յօդ. յաւելուածով սահմանուած կարգերը: 13 յունիսի, թ. 280:

Սինոդը՝ քննութեան առնելով Արդուինի Յովհաննէս քհնյ. Ենայեանի մեղադրական գործը, որոշեց. ի նկատի ունենալով, որ Արդուինի Յովհաննէս քահանան տարիներ շարունակ նկատուել է իւր քահանայական կոչման անվայել ընթացքի մէջ, յաճախ վրդովել է ծխական համայնքը, որի համար նա մի կատարեալ շարիք է եղել, պատճառ դառնալով ծխականների երկու թշնամական բանակի բաժանուելուն, իւր անհնազանդ քնաւորութեամբ զբաղեցրել է հոգևոր բարձր իշխանութիւնը իւր անզուսպ և անվայել արարքների քննութեամբ, և Սինոդի ու կոնսիստորիայի քանիցս նկատողութիւններն ու պատիժները չեն կարողացել նրան ուղիղ ճանապարհի բերել, հաստատելով Վրաստանի կոնսիստորիայի որոշումը, կարգալոյժ անել նրան և յանձնել ի դատ մարմնաւոր իշխանութեան կատարած մի շարք զեղծումների և կեղծիքների համար: 16 յունիսի, թ. 292:

Սինոդը՝ քննութեան առնելով Աստրախանի կոնսիստորիայի նախկին ատենադպիր Յովհաննէս Մեղնիկեանի մեղադրական գործը, որոշեց. յանցաւոր գտնելով Յ. Մեղնիկեանին կոնսիստորիայի նախկին տարիների գործերից չ'եղծուած մարկաներ իւրացնելու մէջ, յանձնել նրան մարմնաւոր իշխանութեան գատին պատժ. օրինաց 354 յօդ. 4 կէտի համաձայն: 16 յունիսի, թ. 291:

